

左文襄公奏疏

第二函
十冊

左文襄公奏疏續編目錄

卷四十七

西甯剿回大捷立解城圍摺

覆陳河州東鄉回衆蠢動情形片

奇營被脅各弁請註銷官階摺



左文公奏疏續編卷四十七

軍機大臣 字寄同治十一年十月二十三日奉

上諭前據左宗棠奏兵力不敷分布請調宋慶一

軍當諭令該提督赴甘助剿茲據鮑源深奏稱該軍駐紮河西晉省河防深資屏蔽值此冬令冰堅倉猝之間無從另調別軍填紮毅軍拔隊遠征籌辦軍裝糧運事宜亦需時日且冰雪長途行走難於迅速可否飭令稍緩西進容另籌調度等語著卽照鮑源深所請知照該提督暫緩拔營妥籌防堵仍一面豫爲部署俟來歲春融卽行迅速前進不准藉詞延延該提督拔隊後晉省河防應如何嚴密布置之處仍著鮑源深先事妥籌毋稍大意甘肅西甯肅州一帶攻剿情形若何現在毅軍暫難成行該處自應另籌調度左宗棠當斟酌軍情分爲布置勿稍疏虞將此由五百里各諭令知之欽此

西甯剿匪大捷立解城圍摺

同治十一年十一月初九日

奏爲詳陳西甯剿匪捷狀并續獲大捷攻破小峽口臣壘數十座徑薄西甯府城立解重圍現籌辦理情形恭摺馳陳仰祈 聖鑒事竊照統領湘軍道員劉錦棠八月二十四至九月初四日西甯剿匪獲勝

并初六日踏破觀音堂賊壘大略情形已於九月十九日附片具陳并聲明詳細形容俟續報八月二十四日馬步賊數千分爲二股一循山而下直撲西甯營卡都司李雙良防營一出彥才溝阻截前路各營劉錦棠率遊擊熊隆名都司董福祥副將陳宗蕃分道往擊遙見撲營之賊五六百而山谷溝坎伏賊

甚多劉錦棠麾軍急進李雙良亦出壘夾攻先將撲營之賊擊敗原上之賊預砌礮臺憑高下擊提督譚和義蘇大德羅照陞陳啟明副將陶鼎金各率馬步由平戎驛馳至賊之出彥才溝者知勢不敵縮退溝內熊隆名乘勢壓追譚和義等鼓銳登山立殲悍賊多名賊乃大潰逐北越嶺斃賊百餘名是夜馬步隊分伏彥才溝口擬俟賊出擊之賊知有伏不出二十五日羊角溝灣賊數千列隊小峽口各山頭千餘賊由三十里鋪撲提督譚上連營壘提督何作霖余虎恩出隊援之譚上連亦憑壘力擊礮石雨注賊負創遁劉錦棠聞報密調後路馬步合紮三十里鋪各營并於營邊修砌礮臺安放後膛開花車輪大礮以待二十六日賊匿不出而遑北陝回營內驟馬千餘出壘放草副將鄧增以車輪大礮測準向人馬聚處轟之連開三十餘礮礮子半飛入賊壘半落人馬叢中賊棄壘越山而逃是夜遑北收屍之賊紛呶徹旦斃賊蓋不知其數也二十七日各營仍依山設伏午間賊由山頂迤邐而下熊隆名以馬隊誘之賊見隊少擁撲而下鄧增仍連施大礮何作霖等分隊擊之賊大潰追近賊卡而返旋據西營防營李雙良報稱是日馬步賊千餘撲近營壘李雙良憑牆力禦有悍賊揮大刀徑撲營壕爲官軍洋槍擊倒羣賊以矛桿昇之而逸復獲生賊詢之蓋卽白彥虎也二十八日各營仍於三十里鋪設伏賊僅以數百人散匿山谷官軍亦以零隊擊之賊遁劉錦棠以羊角灣之賊知我有備料不復出而高疆溝緊逼平戎爲白彥虎畢大才之黨所據倚觀音堂紅水泉爲固必誘出創之遂抽隊夜抵彥才溝口二十九日見馬賊百餘馳騁溝

中大股繼出陳宗蕃伴作敗狀誘其深入賊噪而前伏隊四起賊駭而奔追殺十餘里賊屍枕藉遙見駝堡賊卡十餘座劉錦棠揮軍緊追賊不及入卡守卡者亦相隨狂竄時已黃昏卽就賊壘分軍駐之清晨檢視賊屍計五百餘具刀矛槍礮則拾不勝拾矣生擒土回領隊馬仲供稱白彥虎二十七日出隊爲礮子洞穿左乳又西甯逆回馬桂源之弟馬真源亦爲礮子洞穿右肋撒拉回自多半爲官軍擒斬此八月二十四日至九月初四日以前剿賊連獲大勝之實在情形也該逆疊經痛剿仍恃衆穩抗并分股繞出沙溝一帶伺劫糧運時督帶綏定營候補直隸州知州龍錫慶駐大峽口初五日率所部三百人循探賊蹤甫抵郭爾堡卽遇逆股四五百峰擁接戰龍錫慶擊敗之追抵沙溝乘勝破賊壘一座守賊殲焉餘三座驚竄官軍入堡傳餐忽有太股驟至逼堡環攻龍錫慶力守達曙傷亡弁丁七十餘人仍整隊旋營參將余士力督戰不力龍錫慶斬之軍前以徇劉錦棠聞龍錫慶深入被圍初六日黎明飛調馬步向觀音溝赴援入溝十里許道旁有賊堡七座馬隊先至堡賊紛紛出拒比步隊至奮威衝殺賊棄巢奔立焚其巢躡追八九里大堡中出馬步賊千餘另股由兩山旁抄出劉錦棠分軍力戰三時之久賊均敗潰適龍錫慶亦已旋營遂收隊還初八日小峽之賊已大股出撲營壘另股由左面山溝抄出劉錦棠飭譚上連等列隊壘前飭鄧增以大礮向擊賊譚潰不復成列馬隊跟蹤馳追山溝之賊從旁衝出陶鼎金等下馬持矛攢刺何作霖等分路抄之賊不能支追越山巔斃賊三四百名初九日賊大股趨北岸鄧增以大

礮擊散其南岸賊千餘排列山頂各營以槍礮仰擊旋亦敗遁初十日副將譚慎典率親軍馬隊赴礮伯迎糧過平戎驛忽馬賊二百餘擁至譚慎典分其隊之半護糧一半接仗行近高店堡都司張俊從堡中躍出賊紛竄十二三兩日劉錦棠抽隊赴平戎驛修橋并渡湟至紅崖子溝築壘以通威遠堡糧路威遠之馬圈口班家灣等處時有回逆出擾疊經統帶靖西三營提督西甯鎮總兵黃武賢搜剿頗有斬馘十四日平戎橋工將竣有百餘馬賊從觀音堂溝彥才溝鼓噪而來劉錦棠飭陳啟明陶鼎金等率馬隊衝擊南山復有大股賊至綿互二十里陳啟明等以衆寡懸絕收隊憑壘施放槍礮劉錦棠飛令各軍渡湟而南賊趁官軍半渡四面猛撲適譚和義蘇大德齊至士卒直前奮擊斃賊多名熊隆名董福祥時在馬營灣聞平戎驛礮聲甚緊疾馳而來提督席大成尹興茂等亦至張兩翼分抄羅照陞陳啟明等乘機猛進賊大敗官軍合圍兜追斬馘二百餘名生擒十五名十五夜賊乘雪於李雙良營壘西三里山巔連築七卡大股分紮隔截前敵各營十六日劉錦棠前往查看馬賊擾至平戎驛步賊排列護卡約近萬人劉錦棠飭李雙良堅守勿出飛率各營渡橋直上馬賊向前抗拒官軍槍礮齊發立斃多人官軍猛追抵馬營灣對岸劉錦棠飭令蘇大德築壘羅照陞等列隊以待賊忽大至馳下平川適何作霖席大成尹興茂等馳至鄧增亦護大礮前來連開數礮賊稍却各軍分左右力戰殲馘無數賊縮退壘中官軍逼攻壘中礮石紛飛官軍傷亡不少劉錦棠令勿撤隊是夜風雪嚴寒裂膚刺骨軍士露立賊壘之外無一懈者十

七日黎明劉錦棠由北岸亂流而渡令鄧增向山頂轟三十餘礮斃賊甚多大股走匿山凹劉錦棠以堅壘驟難蕩平乃整旅折赴馬營灣河灘上下令董福祥連夜添造木橋二十日抽撥三營渡湟築壘令譚上連何作霖等分扼湟南北以扼賊衝部署甫定賊果率大股下山意圖阻官軍工作何作霖等分途盪挾斃賊數十名賊敗上山梁少頃復率數百騎由北岸山溝衝近河邊劉錦棠飭各軍迎剿一面令鄧增以大礮隔轟之賊大敗而逸陶鼎金等飛馬截之斬馘多名生擒一名二十二三日賊時以零騎分擾南北而於紅莊子對岸聯紮數壘蓋防官軍由北岸進攻也劉錦棠佯若不知日夜督修橋壘並於橋兩旁築礮臺護之二十四五六等日陸續派隊往礮台接糧並增修卡壘零賊時出阻擾多被擒斬二十八日五鼓大股撲近新修之卡白彥虎畢大才之黨約土回由馬營灣山下平川渡湟兩股將合約七八千人劉錦棠分軍渡湟猛撲之賊惶懼縮退其氾水不及者董福祥等悉斬之賊回撲席大成營壘董福祥等由左路馳至夾擊賊仍敗遁湟南賊見北岸賊敗渡水來援尹興茂等折回夾擊賊翻山而竄是日步賊千餘至小峽分股伏溝中昇大鐵礮攻何作霖之營礮子墜入壘中者約重二斤餘何作霖率隊從壘牆躍出擊散賊衆并奪其礮二十九日劉錦棠令於北岸山上修築一營十月初一日又於新營百五六里增修一營爲進逼計兩日有馬步來擾均經擊敗初二小峽口賊千餘來撲營壘譚上連等擊斬數十生擒三名訊據供稱是日陝回往北川攻民寨掠食劉錦棠令各營分左右捲旂疾趨奪高寨之險高寨

前一小卡守賊數十人見官軍突至棄卡逃入高寨高寨守賊約三千餘列械出扼官軍馬步齊進銳不可當忽隔河開花大礮子飛墜賊叢中賊益惶懼驀山滾澗而逃官軍謹噪乘之刀斫矛刺賊屍枕藉高寨一帶十餘卡壘一氣踏平比小峽大隊馬賊來援亦經鄧增以大礮擊退擒斬二百餘名奪獲馬械極多據擒賊趙啟泰於積屍中指認回目蘇九和一名並供此股陝回最多是夜官軍卽紮於此又增修一壘初三日臣宗棠所調前往助剿之提督劉明燈及副將滕春山等至高寨與劉錦棠晤商劉明燈所部馬步六營從七里鋪延紮至彥才溝替出劉錦棠所部左右翼兩營及綏定兩營以便滾移進取又增修三壘賊見官軍連日於高寨增壘意南岸必虛初五十大股由小峽出撲官軍迄未得逞官軍亦未窮追是夜又於八旂壘西增修兩卡初七日賊大股圍撲新修之卡官軍以連夜未眠僅以槍石火箭火蛋禦之賊見官軍不出各持馬刀紛入濠溝何作霖譚上連等分兩路挺矛直出立斬悍賊三十餘名賊稍退適鄧增運大礮至對路狹賊多處連發十餘礮賊乃敗潰初八日分軍扼小峽正路及西南兩路另派隊上山增修一卡賊紛至官軍擊却之一股凶悍異常愈擊愈進何作霖憤甚大呼陷陣縱軍衝殺縱橫盡挾賊不能支始紛紛敗潰初九日黎明賊大股由三十里鋪竄至官軍按隊不動俟賊漸逼營前乃分左右出擊賊屢却屢前官軍奮威衝殺立斬悍賊二十餘名乘勢壓剿斬賊甚多此九月初五至十月初九日滾營進逼連獲大捷攻克各要隘之實在情形也劉錦棠以南岸難攻遂於是夜潛師夜起改率各營

由馬營灣過橋至高寨會襲小峽賊壘分前左右三路銜枚馳近北岸賊壘賊始驚覺官軍已蜂擁而上次第奪山麓三壘拔幟立幟正追逐間忽小峽內塵沙蔽日賊約萬人由山頭及中路奔來官軍整隊迎擊殲賊數十左翼一營列隊左山巔賊力爭此地自辰至申血戰不少却譚和義等皆身被數創仍裹創力戰大呼突陣賊皆辟易紛紛敗退是日隍南一股撲近官營並以槍橫擊隍北官軍經何作霖等擊斃多名是夜劉錦棠令各營急運磚石增修廢壘並於山頭添修一壘扼之十一日賊於對山亦築數壘十二日偵賊大股匿峽中守壘之賊堅壁不出劉錦棠懸重賞挑選壯士攻南山各卡其北山四壘分各軍攻其三劉錦棠親率各營隨後策應夜近賊壘乘賊未覺火器紛飛著處皆然賊驚起拒戰而壯士已從濠中躍出以肩爲梯攀壘騰上矣須臾三壘均破南山賊卡亦同時攻克各卡壘賊約近千人無漏逸者官軍卽夜分填所奪三壘駐之十三日賊大股來犯劉錦棠飭三壘各以一營守壘餘列長陣護之羅照陞陳宗蕃李雙良等率所部奮擊斃賊多名立將所破賊壘修築完好護糧入壘並接修運礮臺車大道十七日署西甯道郭襄之遣人縋城來告被圍兩月城中糧食將盡十四夜五鼓賊乘梯襲城雖經擊退然勢甚危迫乞速應援適馬桂源稟請官軍暫退礮伯卽誠心就撫又撒拉八工回昂貢奴勒等亦具稟代西甯土回乞撫劉錦棠知其意在緩兵十八日黎明飭余虎恩席大成護五十里鋪各壘自率各營護大礮上北岸山頂正在分撥之際賊忽分三股一由小峽口南山一由馬營灣下徑犯官軍營妄意乘南

岸之虛其大股則向北山急進劉錦棠以南岸各卡修繕完固力足制賊令鄧增測準北山賊壘開大礮轟擊令譚和義護之一面分飭兩路攻左右賊壘一路擊正中大股一路策應兩時發大礮子六十餘賊三壘牆垣皆坍塌匿溝中劉錦棠麾各路猛進陣斬悍賊二三百名賊大潰官軍躡蹤緊追連破北山西面卡壘十餘座乘勝壓下山梁賊棄山麓各壘而逃一由湟北竄韻家口一晁水渡湟南當將峽內羊角灣羅家灣二十里鋪十里鋪一帶卡壘悉數踏平其南岸之賊見官軍自北而南截其歸路竄走南山之南余虎恩席大成追之破其山上卡壘十餘座越山至羊角灣會隊其竄韻家口一帶者見董福祥羅照陞等引軍突至均棄寨向西甯而逃薄暮劉錦棠飭各營歸隊分紮兩岸賊壘一面整修濠牆防賊回撲夜分馬賊數千復拚命來犯官軍結隊衝擊賊屍徧野仍即敗遁十九日黎明瞭見西甯附城各莊寨火起劉錦棠飛調馬步迅速比抵東關逆首馬本源馬桂源已同各土回頭目於先夕三鼓各挈逆眷向東川竄走殿後馬賊數百被陶生林等追擊四散向南川而遁計連日斃賊約三四人馬騾軍械遺棄滿路署西甯道郭襄之西甯知縣恩祿率城內難民男婦老弱三萬餘名望塵迎拜喜極而涕劉錦棠宣布皇仁遂加撫諭令其照常防守其城外老弱回民約千餘口籲乞曲貸生命亦令免死安插並諭土回被裹者准其歸籍安插此十月初十日至二十日攻破小峽要隘解立西甯府城重圍之實在情形也臣維砥伯赴西甯距縣七里渡湟水西南達府城兩山對峙湟水中流古所稱湟中者也由大峽口抵小峽口

數十里高峯危聳中通一徑岸路僅寬數尺兵馬能魚貫不能雁行南北溝岔紛歧賊蹤出沒其間排叉子槍平地施放命中較易此次叛逆馬本源馬桂源兄弟先請官軍驅逐陝回追官兵甫進大峽忽喊陝回助逆拚死抗拒又糾五工六工撒拉回衆合勢抗拒地險賊衆又皆著名兇狡劉錦棠孤軍深入以馬步十八營寸紮八十餘里賊時於山凹中出隊阻截運道圍撲各營聲氣間隔時須調撥救援前後計兩月有餘大小五十餘戰幸賴 朝廷威福無戰不捷得以掃除積年兇惡挈遑中境土仍隸職方此固非 臣等所能逆料也至邊地苦寒大小峽口一帶山谷盤互日月蔽虧冰凌凝結最早計五十餘戰中半皆夜不收隊露立雪窖中擊柝之聲與號寒之聲相雜而軍士無一怨者非平時訓練有方奚以致此現據劉錦棠稟報馬本源馬桂源帶同各土回目挈眷逃入撒拉蓋該逆本循化廳人與撒拉同鄉并撒拉素相暱就者也 臣已飭按察使陳湜河州鎮沈玉遂督同河州撫回馬占鼐圖之據報該逆已抵巴燕戎格矣大抵回情最忌縛獻阿訇總須其自投羅網耳至陝回已焚棄所踞大小南川巢穴揚言直奔甘州嗣仍踞西川未動意或求撫亦未可知 臣宗棠前調提督吳隆海率果軍降補參將楊世俊率奇捷馬步等營合馬隊三營步隊八營隨同劉錦棠進剿比抵碾伯則小峽口業已攻克劉錦棠兵抵西甯矣現正搜除餘匪分別勦撫以靖地方所有此次最爲出力員弁合無仰懇 天恩加以鼓勵 賞穿黃馬褂三品卿銜布政使銜卽選道雲騎尉世職法福凌阿巴圖魯劉錦棠敏銳善戰謀勇兼優耐苦耐勞爲

一時統將之最臣等不敢妄擬保敘應如何加

恩之處出自

聖裁

賞穿黃馬褂頭品頂戴

記名提督達桑阿巴圖魯何作霖識略過人膽勇出衆爲賊所憚應請無論甘肅提鎮缺出儘先題奏頭品頂戴記名提督奇車博巴圖魯余虎恩忠勇奮發能衝能堵應請遇有陝甘提鎮缺出儘先題奏並請賞穿黃馬褂頭品頂戴記名提督伯奇巴圖魯譚上連隊伍整嚴樸實勇敢應請遇有陝甘提鎮缺出儘先題奏頭品頂戴記名提督霍隆武巴圖魯席大成頭品頂戴記名提督奇朗阿巴圖魯譚和義頭品頂戴記名提督果勒明阿巴圖魯羅照陞頭品頂戴記名提督哈豐阿巴圖魯尹興茂均請 賞穿黃馬褂記名提督呼敦巴圖魯蘇大德請 賞給頭品頂戴記名提督和爾經額巴圖魯陳啟明請 賞

給正一品封典總兵銜推補副將譚慎典請免補副將以總兵

交軍機處記名總兵銜安徽補用副

將依清阿巴圖魯陳宗蕃請

賞給頭品頂戴副將銜儘先拔補參將陶鼎金請

賞給清字勇號

記名提督巴克坦巴圖魯蕭元亨請

賞給頭品頂戴提督銜記名總兵綽另巴圖魯楊耀關記名總

兵直勇巴圖魯黃錦雲均請

賞換清字勇號花翎補用都司董福祥請免補都司以遊擊留於陝西

儘先補用並

賞給二品頂戴二品

封典花翎補用都司張俊請免補都司以遊擊留於陝西儘

先補用並

賞換花翎

賞給勇號藍翎補用都司李完良請免補都司以遊擊留於陝西儘先補

用並加參將銜

賞換花翎花翎補用都司張萬會請免補都司以遊擊留於陝西儘先補用並加參

將銜記名提督多托哩巴圖魯潘長清記名提督訥恩登額巴圖魯陳建侯記名提督阿木巴凌武巴圖魯楊玉週記名提督努克齊思琿巴圖魯李有成記名提督喀勒崇依巴圖魯王福田記名提督瑚松額巴圖魯李政洪記名提督愛什蘭巴圖魯唐國華均請 賞給頭品頂戴記名提督揚勇巴圖魯劉

象賢記名提督額特和恩巴圖魯宋祥發記名提督業鏗額巴圖魯鄧時益記名提督蘇彰阿巴圖魯李隆寶記名提督西吉爾琿巴圖魯李清勝記名提督捍勇巴圖魯喻少選記名提督額騰依巴圖魯匡義志記名提督伊伯德恩巴圖魯彭明達記名提督訥恩登額巴圖魯李春元記名提督雄勇巴圖魯李恆春記名提督傑勇巴圖魯周恆升提督銜記名總兵懋勇巴圖魯朱正和均請 賞給正一品封典記

名提督納清額巴圖魯李協和記名提督額爾德蒙額巴圖魯趙寶林均請 交部從優議敘記名提

督奮勇巴圖魯廖得勝記名提督揖勇巴圖魯彭楨祥提督銜記名總兵勉勇巴圖魯郭慶才記名總兵武勇巴圖魯曾昌明記名總兵力勇巴圖魯蕭玉吉總兵銜補用副將銘勇巴圖魯李克常總兵銜補用副將奮勇巴圖魯符世禮副將銜補用參將偉勇巴圖魯胡義和均請 賞換清字勇號記名提督黃

友信記名提督邱俊鳳總兵銜湖南儘先補用副將張沛福建補用副將鄧增均請 賞給清字勇號

鄧增並請 賞加總兵銜記名提督張振壽劉得喜二品頂戴參將銜兩江補用遊擊李章貢遊擊銜

陝西補用都司楊錦棠均請 賞給勇號提督銜記名總兵驚勇巴圖魯賀長發記名總兵阿克丹巴

圖魯湯秀齊記名總兵穆勇巴圖魯歐陽勝記名總兵質勇巴圖魯葛致清記名總兵翊勇巴圖魯劉國斌均請以提督總兵記名遇有提鎮缺出請 旨簡放提督銜記名總兵愛星阿巴圖魯雷貴才記名

總兵穎勇巴圖魯喻先達總兵銜留陝補用副將姜鏡成總兵銜補用副將彭榮復均請以提督總兵記

名遇有提鎮缺出請 旨簡放記名提督克勇巴圖魯陶生林請 賞給頭品頂戴並 賞換清

字勇號補用副將克勇巴圖魯胡英傑補用副將董官寶李榮珥張得榮賀益陞總兵銜兩湖補用副將

強勇巴圖魯蘭福喜補用副將端勇巴圖魯周廷福補用副將譚全才楊再發均請免補副將以總兵記

名請 旨簡放副將銜補用參將程玉修儘先參將盧有升藍翎儘先拔補參將周國泰均請免補本

班以副將儘先補用並加總兵銜周國泰並請 賞換花翎參將銜留陝補用遊擊楊金龍參將銜福

建補用遊擊威勇巴圖魯唐玉德參將銜兩江補用遊擊蘇秀生均請免補本班並免補參將以副將仍

留原省儘先補用楊金龍蘇秀生並請 賞給勇號參將銜儘先遊擊袁紹華請免補本班並免補參

將以副將儘先補用並請 賞給勇號補用遊擊沈玉貴請免補遊擊並免補參將以副將留於湖南

儘先補用二品頂戴遊擊銜補用都司湯廷幹遊擊銜儘先補用都司劉長其傅長春鄒祖德張德昇補

用都司李孝隆均請免補都司並免補遊擊以參將儘先補用張德昇劉長其李孝隆並請 賞給勇

號參將銜兩江補用遊擊榮勇巴圖魯鄧金陵請免補本班以參將仍留原省補用並請 賞加副將

銜遊擊李得勝請免補本班以參將儘先補用並請

賞給勇號遊擊銜河南補用都司秀勇巴圖魯

蘇貴興請免補都司並免補遊擊以參將留於原省補用並請

賞加副將銜湖南補用都司彭秀文

兩江補用都司胡少亭均請免補本班以遊擊留於原省補用彭秀文並請

賞給勇號胡少亭並請

賞加參將銜藍翎補用都司周玉堂請免補都司以遊擊儘先補用並請

賞換花翎都司銜湖南補

用守備朱星貴請免補守備並免補都司以遊擊仍留原省儘先補用花翎守備趙自新石成玉田九福

張登鼂李雙海王廷棟田仲魁藍翎守備丁添祥均請免補守備以都司儘先拔補並請賞加遊擊銜守

備銜千總羅曾王俊邦胡登花張果張廣吉杜錫斌董天海苗仲會何有道均請免補千總並免補守備

以都司儘先補用藍翎千總熊來儀范永清聶青山均請免補千總以守備儘先補用並

賞換花翎

補用把總張瑞揚董占富趙奉樂薛成德均請免補本班以千總儘先補用並加守備銜張瑞揚並請

賞戴藍翎儘先外委夏德華請免補外委並免補把總以千總儘先補用並請

賞戴藍翎運同銜分

省補用直隸州知州優勇巴圖魯武條箴候選直隸州知州王鎮圻留陝前補用直隸州知州周漢均

請免選補本班以知府留於陝西歸軍功候補班前補用留陝補用直隸州知州龍錫慶請以本班改留

甘肅歸候補班前先補用並

賞加知府銜藍翎山西補用知縣吳光熊請免補本班以知州仍留原

省歸軍功候補班前先補用並請

賞換花翎同知銜浙江候補知縣袁廷齡請俟補缺後以同知歸

軍功候補班前先補用此外實在出力員弁丁勇容俟彙案保獎以示激勵其疊次陣亡將弁實均係百戰精銳於縫幽鑿險中力竭捐軀實堪軫惜謹另繕清單伏懇 天恩飭部分別從優議卹以作士氣

而慰忠魂謹合詞陳奏伏乞

皇太后

皇上聖鑒訓示施行謹

奏

同治十一年十一月二十日內閣奉

上諭左宗棠豫師奏勦匪獲捷西甯府城解圍出力各員弁請

獎並將陣亡各員弁開單請卹一摺叛逆馬本源等糾集陝回及撒拉回眾圍撲甘肅西甯府城經左宗棠派令道員劉錦棠等督兵進勦連戰克捷踏毀小峽口等處賊壘數十座乘勝直薄城根該逆抵死抗拒官軍結隊奮擊賊大潰敗立解西甯城圍統計斃賊三千名奪獲騾馬器械無算剿辦尙爲得手道員劉錦棠著賞給白玉翎管一枝白玉搬指一箇大荷包一對小荷包兩箇火鏢一把以示優異提督何作霖著無論甘肅提督總兵缺出儘先題奏余虎恩著遇有陝甘提督總兵缺出儘先題奏並賞穿黃馬褂提督譚上連著遇有陝甘提督總兵缺出儘先題奏席大成等均著賞穿黃馬褂蘇大德著賞給頭品頂戴陳啟明著賞給正一品封典副將譚慎典著免補副將以總兵交軍處記名請旨簡放陳宗蕃賞給頭品頂戴參將陶鼎金著賞給胡敦巴圖魯名號提督蕭元亨著賞給頭品頂戴總兵楊耀關著賞換達春巴圖魯名號黃錦雲著賞換胡松額巴圖魯名號都司董福祥張俊均著免補都司以遊擊留於陝西儘先補用董福祥並賞給二品頂戴二品封典張俊並賞換花翎賞給果勇巴圖魯名號李雙良張萬會均